



**ZAPISNIK O RADU 59. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 12.07.2024. GODINE*

Broj: 01-GV-02-919/24  
Sarajevo, 12.07.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Adi Škaljić, predsjedavajući Kluba gradskih vijećnika Naše stranke
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Vedad Deljković, predsjedavajući Kluba gradskih vijećnika „Deljković-Simonović“
7. Samir Bejić, predsjedavajući Kluba gradskih vijećnika „Danijela Šahat-Samir Bejić“
8. Bajro Biber, predsjedavajući Kluba gradskih vijećnika „USD-BOSS“
9. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
10. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“

Odsutni: Mila Eminović, sekretar Gradskog vijeća (opravdan izostanak), Toni Vukadin, predsjedavajući Kluba gradskih vijećnika Naroda i Pravde, Seid Škaljić, predsjedavajući Kluba gradskih vijećnika „Seid Škaljić - Željko Majstorović“ i Jasmin Skorupan, predsjedavajući Kluba gradskih vijećnika „Korora/Skorupan“.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 9.07 sati, pozdravio prisutne, te konstatovao kvorum za punovažan rad i odlučivanje.

Zamjenica predsjedavajućeg Gradskog vijeća Mirela Džehverović pristupila je sjednici Kolegija u 09.10 sati.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa devet glasova „za“, bez glasova „protiv“ i jednim „suzdržanim“ glasom prisutnih članova Kolegija, **usvojio je** Zapisnik o radu 58. sjednice Kolegija Gradskog vijeća, održane 24.06.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 59. sjednice Kolegija Gradskog vijeća, tako da glasi:

1. Priprema za održavanje 42. sjednice Gradskog vijeća Grada Sarajeva
2. Tekuća pitanja

**Adresa:** Hamdije Kreševljakovića 3

71 000 Sarajevo

**Tel.:** +387 33 216 659

**Fax:** +387 33 205 874

**Email:** gsgv@sarajevo.ba

**Web:** gradskovijece.sarajevo.ba



## Ad 1)

### Priprema za održavanje 42. sjednice Gradskog vijeća Grada Sarajeva

#### *a) Termin održavanja sjednice*

**Jasmin Ademović, predsjedavajući Gradskog vijeća** je podsjetio članove Kolegija da je na 58. sjednici Kolegija Gradskog vijeća utvrđen termin održavanja 42. sjednice Gradskog vijeća i to u srijedu 24.07.2024. godine.

Upoznao je članove Kolegija da je, u međuvremenu, upućen poziv Grada Pariza gradonačelnici Grada Sarajeva za prisustvo delegacije Grada Sarajeva na Samitu gradonačelnika u Parizu od 24.07. do 27.07.2024. godine kao i ceremoniji otvaranja Olimpijskih igara u Parizu.

Također je upoznao članove Kolegija da se planira da delegaciju čine gradonačelnica Grada Sarajeva, predsjedavajući Gradskog vijeća Grada Sarajeva i zamjenica predsjedavajućeg Gradskog vijeća Grada Sarajeva.

Nakon što je dobio potvrdu od članova Kolegija da u utorak 23.07.2024. godine nisu zakazane sjednice općinskih vijeća općina koje čine Grad Sarajevo, **Jasmin Ademović, predsjedavajući Gradskog vijeća** je predložio da se 42. sjednica Gradskog vijeća održi u utorak 23.07.2024. godine u Vijećnici sa početkom u 10.00 sati kako bi delegacija Grada Sarajeva mogla oputovati, na vrijeme, u Pariz a kako bi na sjednici Gradskog vijeća bili prisutni funkcioneri Grada Sarajeva.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći zaključak:

42. sjednica Gradskog vijeća će se održati u **utorak 23.07.2024. godine u Vijećnici** sa početkom u **10.00 sati**.

#### *b) Praćenje realizacije Programa rada Gradskog vijeća Grada Sarajeva*

**Jasmin Ademović, predsjedavajući Gradskog vijeća** je upoznao članove Kolegija da je u pripremi 42. sjednice Gradskog vijeća održana većina sjednica radnih tijela Gradskog vijeća te da je planirano da se u ponedjeljak 15.07.2024. godine održe sjednice tri radna tijela.

Upoznao je članove Kolegija da je Komisija za izbor i imenovanja, na prijedlog klubova gradskih vijećnika, utvrdila tri prijedloga odluka o razrješenju i tri prijedloga odluka o izboru članova radnih tijela Gradskog vijeća kao i Prijedlog Odluke o razrješenju članice radnog tijela Gradskog vijeća Grada Sarajeva (Senka Tahmaz) koja je podnijela zahtjev za razrješenje ove dužnosti u Odboru za lokalni biznis i turizam obzirom da Klub gradskih vijećnika koji je činila i Demokratska fronta, a koji je predložio za ovu dužnost u Gradskom vijeću više ne postoji.

S tim u vezi, predložio je da Kolegij Gradskog vijeća Komisiji za izbor i imenovanja kandiduje za novog člana ovog radnog tijela Hazima Bahtanovića koji je novi gradski vijećnik.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći zaključak:

Kolegij Gradskog vijeća predlaže Komisiji za izbor i imenovanja da Gradskom vijeću predloži gradskog vijećnika Hazima Bahtanovića za novog člana Odbora za lokalni biznis i turizam.

**Jasmin Ademović, predsjedavajući Gradskog vijeća** je predložio da član Kolegija Adi Škaljić koji je ujedno i predsjedavajući Komisije za izbor i imenovanja, kontaktira gradskog vijećnika Hazima Bahtanovića kako bi ga obavijestio o Zaključku Kolegija, a sa čim se član Kolegija Adi Škaljić saglasio.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da je Komisija za spomenike Gradskog vijeća utvrdila Nacrt Odluke o podizanju Spomen-obilježja civilnim žrtvama rata grada - Kantona Sarajevo '92.-'95. godine sa idejnim rješenjem i uputila ga Gradskom vijeću na razmatranje.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da su radna tijela, do sada u pripremi 42. sjednice Gradskog vijeća razmatrala i:

1. Prijedlog Odluke o utvrđivanju posebnog značaja za Grad Sarajevo za Udruženje „Zajedno smo jedno“
2. Prijedlog Odluke o utvrđivanju posebnog značaja za Grad Sarajevo za Udruženje POMOZI.BA
3. Prijedlog Odluke o davanju saglasnosti gradonačelnici Grada Sarajeva za potpisivanje Sporazuma o donaciji statue Valter
4. Prijedlog Odluke o prihvatanju Pokroviteljstva – Realizacija dokumentarnog filma radnog naziva „POFALIĆKA BITKA – GROM U ZORU“
5. Prijedlog Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za 2025. godinu
6. Prijedlog Odluke o stavljanju van snage Odluke o izmjenama i dopunama Odluke o pristupanju izradi Regulacionog plana „Centar Novo Sarajevo“

**Jasmin Ademović, predsjedavajući Gradskog vijeća** je napomenuo da Prijedlog Odluke o stavljanju van snage Odluke o izmjenama i dopunama Odluke o pristupanju izradi Regulacionog plana „Centar Novo Sarajevo“ nije bio najavljen na 58. sjednici Kolegija Gradskog vijeća te da je, u međuvremenu, održan sastanak u Zavodu za planiranje razvoja Kantona Sarajevo vezano za ovaj regulacioni plan.

7. Prijedlog Odluke o izmjenama Odluke o proglašenju manifestacija iz oblasti privrede i lokalnog poslovanja od posebnog interesa za Grad Sarajevo
8. Izvještaj o utrošku sredstava tekuće rezerve iz Budžeta Grada Sarajeva za 2024. godinu, za period 01.01. – 30.06.2024. godine
9. Prijedlog Odluke o proglašenju i sufinansiranju 4. Godišnjeg samita Mreže balkanskih gradova B40 pod nazivom „B40 Sarajevo Samit“ kao događaja od posebnog interesa i međunarodnog značaja za Grad Sarajevo
10. Informacija o Dokumentu okvirnog Budžeta (DOB) za period 2025.-2027. god.
11. Informacija o čišćenju korita rijeke Miljacke od riječnog nanosa
12. Informacija o implementaciji Plana djelovanja za mlade

Također je upoznao članove Kolegija da je Administrativna komisija na 80. sjednici održanoj dana 01.07.2024. godine razmatrala akt JP „Sarajevo“ d.o.o broj: 01-05-1717/24 od 24.06.2024. godine i akt Pravobranilaštva Grada Sarajeva broj: 01-08-Gp-55/24 od 18.06.2024. godine u vezi sa objektom Vidikovac na Trebeviću te da će Pravobranilaštvo, po zaključku Administrativne komisije uputiti informaciju Gradskom vijeću na razmatranje koja će imati sadržaj razmatranog akta Pravobranilaštva Grada Sarajeva, a čiji prilog će biti razmatrani akt JP „Sarajevo“ d.o.o. i izvještaj Administrativne komisije sa diskusijom direktora JP „Sarajevo“ d.o.o. iznesenoj na sjednici Administrativne komisije.

\*\*\*\*\*

**Jasmin Ademović, predsjedavajući Gradskog vijeća** je upoznao članove Kolegija da će u **ponedjeljak 15.07.2024. godine** biti održana sjednica **Komisije za izbor i imenovanja** kako bi Komisija utvrdila Prijedlog Odluke za izbor člana Odbora za lokalni biznis i turizam, **sjednica Komisije za međunarodnu suradnju** kako bi Komisija razmotrila Prijedlog Odluke o proglašenju i sufinansiranju 4. Godišnjeg samita Mreže balkanskih gradova B40 pod nazivom

„B40 Sarajevo Samit“ kao događaja od posebnog interesa i međunarodnog značaja za Grad Sarajevo koji je naknadno dostavljen i sjednica **Komisija za Statut i akte** kako bi razmotrila Prijedlog Odluke o izbor člana Odbora za lokalno biznis i turizam ukoliko Komisija za izbor i imenovanja utvrdi istu.

**Jasmin Ademović, predsjedavajući Gradskog vijeća** je podsjetio članove Kolegija da će pozivi gradskim vijećnicima za 42. sjednicu Gradskog vijeća biti upućeni u srijedu 17.07.2024. godine kako je to utvrđeno na 58. sjednici Kolegija Gradskog vijeća.

**Zatim je pozvao Aidu Bajramović, sekretarku organa uprave** da upozna članove Kolegija sa materijalima koji će biti naknadno dostavljeni i predloženi za razmatranje na 42. sjednici Gradskog vijeća.

**Aidu Bajramović, sekretarka organa uprave** je upoznala članove Kolegija da će Gradonačelnica za 42. sjednicu Gradskog vijeća predložiti i sljedeće materijale:

1. Prijedlog Odluke o davanju saglasnosti gradonačelnici Grada Sarajeva za potpisivanje Anexa II Ugovora o načinu prenosa upravljanja, zaštite i održavanja objekata Grada Sarajeva i obavljanju komunalnih djelatnosti od javnog interesa Grada Sarajeva
2. Prijedlog Odluke o davanju saglasnosti gradonačelnici Grada Sarajeva za finansijsku podršku radu Javne ustanove Centar za odgoj, obrazovanje i rehabilitaciju „Vladimir Nazor“
3. Prijedlog Odluke o davanju saglasnosti gradonačelnici Grada Sarajeva za finansijsku podršku radu FK „Sarajevo“
4. Prijedlog Odluke o davanju saglasnosti gradonačelnici Grada Sarajeva za finansijsku podršku radu FK „Željezničar“
5. Prijedlog Odluke o davanju saglasnosti gradonačelnici Grada Sarajeva za finansijsku podršku radu SFK „2000 Sarajevo“

Također je upoznala članove Kolegija, a u svojstvu predsjednice Skupštine Javnog preduzeća „Sarajevo“ d.o.o. Sarajevo, da će za 42. sjednicu biti predložen za razmatranje i Izvještaj o radu i poslovanju Javnog preduzeća „Sarajevo“ d.o.o. Sarajevo za period 01.01. - 30.06.2024. godine.

Napomenula je da će Prijedlog Odluke o davanju saglasnosti gradonačelnici Grada Sarajeva za potpisivanje Anexa II Ugovora o načinu prenosa upravljanja, zaštite i održavanja objekata Grada Sarajeva i obavljanju komunalnih djelatnosti od javnog interesa Grada Sarajeva biti dostavljen u ponedjeljak 15.07.2024. godine dok će ostali materijali biti dostavljeni danas.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

Radna tijela koja će razmatrati naknadno dostavljene materijale, u pripremi 42. sjednice Gradskog vijeća, će se održati **u ponedjeljak 15.07. i utorak 16.07.2024. godine.**

## **Ad 2)**

### **Tekuća pitanja**

**Član Kolegija Adi Škaljić** je ponovio pitanje koje je postavio na 56. sjednici Kolegija Gradskog vijeća održanoj dana 26.04.2024. godine o realizaciji zaključaka sa 38. sjednice Gradskog vijeća, održane 27.03.2024. godine, koji su usvojeni prilikom razmatranja Prijedloga izmjena i dopuna Budžeta Grada Sarajeva za 2024. godinu, a odnose se na udruženja koja su proglašena od posebnog interesa za Grad Sarajevo.

U raspravi koja se vodila vezano za realizaciju zaključaka sa 38. sjednice Gradskog vijeća, održane 27.03.2024. godine kao i izradu registra udruženja koja su proglašena od posebnog

interesa za Grad Sarajevo i finansijska sredstva koja su planirana za ova udruženja učestvovali su **članovi Kolegija Adi Škaljić, Enisa Spahić i Srđan Srdić.**

**Aida Bajramović, sekretarka organa uprave** je odgovorila da je realizacija zaključaka u toku.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 9.25 sati.

*SEKRETAR GRADSKOG VIJEĆA*

*Mila Eminović*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*